

PREDNACRT

Na osnovu člana 14. Zakona o sistemu indirektnog oporezivanja u Bosni i Hercegovini („Službeni glasnik BiH“, br. 44/03, 52/04, 34/07, 4/08, 49/09 i 32/13) Upravni odbor Uprave za indirektno oporezivanje, na ____ . sjednici održanoj _____ godine, donio je

PRAVILNIK

O IZMJENAMA I DOPUNAMA PRAVILNIKA O KONTROLI I OGRANIČENOJ PROVJERI INDIREKTNIH POREZA

Član 1.

U članu 1. Pravilnika o kontroli i ograničenoj provjeri indirektnih poreza („Službeni glasnik BiH“, br. 68/16 i 84/24) riječi „čl. 12. i 75. Zakona o carinskoj politici BiH“ zamjenjuju se riječima: „članom 92. Zakona o carinskoj politici u Bosni i Hercegovini“.

Član 2.

U članu 40. stavu (1) riječi „carinskoj prijavi“ zamjenjuju se riječima „carinskoj deklaraciji“.

Član 3.

U članu 41. stavu (2) tačka a) mijenja se i glasi:

- „a) potpuna, koja na osnovu analize rizika obuhvata pregled svih područja poslovanja privrednog subjekta u određenom vremenskom periodu, za koja je prema propisima nadležna UIO – Sektor za carine, i“.

Član 4.

U članu 43. iza stava (1) dodaje se novi stav (2) koji glasi:

- „(2) U toku naknadne kontrole, dokumentacija i/ili informacije mogu se, ukoliko je potrebno, tražiti i od drugog lica koje je poslovno direktno ili indirektno uključeno u radnje koje su u vezi sa predmetom kontrole.“

Član 5.

Iza člana 44. dodaje se novi član 44a. koji glasi:

„Član 44a.

(Saradnja Sektora za carine i Odjeljenja za analizu i upravljanje rizicima)

- (1) U cilju sačinjavanja okvirnog godišnjeg plana naknadne kontrole Sektor za carine kontinuirano saraduje sa Odjeljenjem za analizu i upravljanje rizicima.

- (2) Način saradnje Odjeljenja za analizu i upravljanje rizicima i Sektora za carine u postupku izrade okvirnog godišnjeg plana naknadnih kontrola reguliše se posebnim aktom koji donosi direktor UIO.“

Član 6.

Član 45. mijenja se i glasi:

„Član 45. (Osnov za naknadnu kontrolu)

Naknadna kontrola vrši se po osnovu:

- a) okvirnog godišnjeg plana naknadne kontrole,
- b) zahtjeva direktora UIO,
- c) zahtjeva pomoćnika direktora Sektora za carine,
- d) primjene kriterija za analizu rizika,
- e) prijedloga ili zahtjeva organizacione jedinice UIO
- f) prijedloga ili zahtjeva drugog organa ili lica,
- g) prijedloga ili zahtjeva druge zemlje.”

Član 7.

Iza člana 45. dodaju se novi čl. 45a. i 45b. koji glase:

„Član 45a. (Planiranje naknadne kontrole)

- (1) Sektor za carine, na osnovu prijedloga Odjeljenja za analizu i upravljanje rizicima, novih saznanja o rizicima u tekućoj godini, kao i prijedloga grupa za kontrolu, sačinjava prijedlog okvirnog godišnjeg plana naknadnih kontrola kojim se definiše ukupni broj i vrste planiranih naknadnih kontrola za narednu godinu.
- (2) Izrada okvirnog godišnjeg plana vrši se metodologijom pripreme plana naknadnih kontrola, pri čemu se uzimaju u obzir raspoloživi ljudski resursi, broj radnih dana u godini i planirani obim kontrola.
- (3) Prijedlog okvirnog godišnjeg plana naknadnih kontrola za narednu godinu dostavlja se direktoru UIO na odobrenje, najkasnije do 1. decembra tekuće godine.
- (4) Na osnovu odobrenog okvirnog godišnjeg plana, Odsjek za kontrolu izrađuje operativni plan, kojim se na kvartalnom nivou definiše broj fiksnih i varijabilnih kontrola u odnosu na stvarni broj izvršilaca.
- (5) Šef grupe za kontrolu izrađuje mjesečni plan rada, koji obuhvata fiksne i varijabilne kontrole, a kojim se određuju subjekti kontrole i kontrolori koji će iste obavljati.
- (6) Mjesečni plan iz stava (5) ovog člana dostavlja se Odsjeku za kontrolu.

Član 45b. (Postupanje po prijedlogu ili zahtjevu za naknadnu kontrolu)

- (1) Odsjek za kontrolu Sektora za carine cijeni opravdanost primljenih prijedloga i zahtjeva za kontrolu iz člana 45. stava (1) tač. e), f) i g) ovog pravilnika i odlučuje o postupanju po istom.
- (2) Odsjek za kontrolu vodi evidenciju primljenih prijedloga i zahtjeva za naknadnu kontrolu.“

Član 8.

Član 46. mijenja se i glasi:

**„Član 46.
(Pokretanje i faze naknadne kontrole)**

- (1) Naknadna kontrola pokreće se izdavanjem naloga za naknadnu kontrolu od strane šefa Grupe za kontrolu regionalnog ureda ili šefa Odsjeka za kontrolu.
- (2) Naknadna kontrola obuhvata sljedeće faze:
 - a) izdavanje naloga za naknadnu kontrolu,
 - b) priprema naknadne kontrole,
 - c) provođenje naknadne kontrole,
 - d) sačinjavanje zapisnika o naknadnoj kontroli.
- (3) Kontrolirano lice se o planiranom početku kontrole obavještava telefonski, putem elektronske pošte ili drugim putem.
- (4) Izuzetno, stav (3) ovog člana ne primjenjuje se ako bi se obavještavanjem ugrozila svrha kontrole.
- (5) Na početku naknadne kontrole kod kontroliranog lica predočava se nalog za naknadnu kontrolu.
- (6) Ukoliko se kontrola vrši u prostorijama UIO na osnovu raspoložive dokumentacije, a bez učešća kontroliranog lica, nalog za naknadnu kontrolu ne predočava se kontroliranom licu.

Član 9.

U članu 47. stavu (1) tačka h) mijenja se i glasi:
„h) rok za izvršenje kontrolnih aktivnosti, i“.

Iza stava (1) dodaje se novi stav (2) koji glasi:

„(2) Nakon izdavanja naloga za naknadnu kontrolu, u slučaju potrebe može se izvršiti izmjena i/ili dopuna istog.“

Član 10.

U članu 49. u stavu (1) tački b) riječi „carinskoj prijavi“ zamjenjuju se riječima „carinskoj deklaraciji“.

Član 11.

U članu 50. stavu (2) u tački d) iza riječi „ime“ dodaju se riječi „i prezime“.

Tačka e) mijenja se i glasi:

„e) ime i prezime lica koje je prisustvovalo naknadnoj kontroli,“.

Tačka j) briše se.

Dosadašnje tač. k) do n) postaju tač. j) do m).

Stav (3) mijenja se i glasi:

„(3) Zapisnik se sačinjava u najmanje dva primjerka od kojih se jedan dostavlja kontroliranom licu a drugi ostaje u spisu predmeta, a po potrebi ostali primjerci dostavljaju se nadležnim organizacionim jedinicama UIO. U slučaju predkontrole, zapisnik se sačinjava u tri primjerka od kojih se jedan

dostavlja kontroliranom licu, drugi ostaje u spisu predmeta a treći primjerak dostavlja se organizacionoj jedinici nadležnoj za izdavanje odnosnog odobrenja.

Član 12.

U članu 51. stavu (1) riječi „iz člana 49. ovog Pravilnika“ zamjenjuju se riječima „iz člana 50. ovog pravilnika“.

Član 13.

U članu 52. stavu (1) riječi „vrši konsultacije“ zamjenjuju se riječju „sarađuje“.

Član 14.

U članu 53. riječi „kontrolisanom licu“ zamjenjuju se riječima „u kontroli“.

Član 15.

Iza člana 56. dodaje se novi član 56a. koji glasi:

„Član 56a. (Donošenje propisa)

Postupak provođenja naknadne kontrole propisuje se internim procedurama.“

Član 16. (Stupanje na snagu)

Ovaj pravilnik stupa na snagu osmog dana od dana objavljivanja u „Službenom glasniku BiH“.

Broj: UO _____/25
Sarajevo, _____ 2025.godine

Predsjedavajući UO UIO